

豫章叢書

第九冊

豫

章

焚

書

第九冊

六松堂詩集卷八

寧都曾 燦青藜著

五言排律

自杭州至桐廬縣感懷得十韻

殘月留帆影嚴更發櫂歌江行今又始歸夢更如何
一渚鳴寒羽千峰入曉波舟低霜壓重硤仄日斜過
水石嘗交岸人家半在阿山川憎盜賊魚驚喜干戈
時禁濱邏鼓鳴沙磧滄洲失釣蓑西風新店路東首
海捕魚富陽河嶺盡知城近煙平覺樹多浮生如可托尙寐
且無訛

梁安峽值雨

孤蓬如夜裡小雨綠春山雞犬亦能靜人家清且閒
岸傍蘿篠密谿上石苔斑新葉移歸思桃花駐遠顏
江雲行處足烟渚釣中灣午爨有餘暇農歌時暫還
紛吾諸事畢終愛此田間

臘月僑青溪蕭寺劉石潭樞部以遷謫出遊遣
使分金感贈十四韻

野鳥飛仍止松風響欲沈感君天下士共此歲寒心
曲逕泉流暗空山葉落深負暄開半牖望遠愛遙岑
佛火龕無色厨煙突不黔倏聞使者至惠我瑤華音

二翮傳適勁三縑重古今芳言旣盈楮旅橐竟分金
投分逾知已聞聲愧盍簪生涯悲斷梗煦植眷微霖
事滿夢難到途窮天易陰豈知傷慧苴遂亦老楓林
越鷺熙朝旭巴猿助夜吟由來歧路者誰不嘆崎嶇

鬱孤臺懷古

獨上鬱孤望登臨思渺然流鶯三月暮疎樹萬家煙
浪打空城外山圍故國前女牆桑葉白官署杏花妍
旅食朝彈劍春風夜控弦笳聲生古戍日影動長旛
血戰元黃野人悲雞犬年賀蘭鬱孤臺舊名瞻獸闥鄴水奪
龍駟下澤鳴芳雉故宮泣杜鵑樓高金鳳起金鳳山名在城

內關鎖玉虹懸鐘鼓埋榛久牛羊踐草眠講堂槽糞

壑石碣枕荒阡玉馬聞河瑞銅人過渭川興亡雙眼
落憂患一身全何處是乾土誰人有敗椽建牙廝養
宅買伎水衡錢毳帳供三百駝羹費十千追逋如籜
捲告密又株連鞭撻輕民命征徭任鵠拳坑來儒術
賤釋盡吏胥愆賄賂無高下詩書遂棄捐臺猶存望
闕亦鬱孤舊名亭已著廉泉李趙績何在周程名獨傳高
榕巢遠鵲平楚墮飛鳶暖氣侵衣重雲濤壓鬢偏估
車通粵嶠灘路接湖天且讀賈生賦漫揮祖逖鞭升
沈如白日去住只青瑣囊賸投殘筆家留鬻盡田吾

生當此際何以策高騫

送汪舟次簡討冊封琉球

萬里開重驛殊方列外藩
儒臣持漢節詔使出京門
視草鑿坡遠看花水驛
繁闌亭逾越嶠車轍下仙源
海自澎湖入舟從華嶼奔
蛟涎生怒浪鰲背起高壘
日月看明滅星辰互吐吞
占風隨柁轉辨色識雲屯
落溱原無島那門自有村
鰲人多縹甲番女亦纓韃
守禮垂城闕琉球城門有勝
曰守禮之門藏經向祇園園中藏五
經于寺名王趨負弩
屬國遠承恩開宴葡萄美
聞香鬪鏤磨文章驚白傅
博洽過張騫紙以魚牋貴
書因鳥翻存

詩篇懸岫巖姓字重璵璠劉向推磐石馬遷傳大宛
自知才本鉅遂使節彌敦威德羽干格聲靈金鼓喧
止讒無蕙苴昭信有蘋蘩龍鳳裘能動鸞蜂蜜最溫
冰綃屏水火神錦敵寒暄責賦因君重山川記事煩
風颿歸海外鄉樹見潮痕不自南天至安知中國尊
送丁泰巖中丞開府湖南用李義山上杜僕射

五言述德抒情詩四十韻

鳳闕羣蠻服鸞章出帝京人間瞻國瑞天上應星精
位以才華重官因德望清髫年騰駿譽家世起鴻聲
日影分銀榜藜光下繡楹詔詞看漢制壇坫主齊盟

春署資經術

公以翰林改儀曹

王臣作幹楨，袞袞開機閣。

任

陝西漢

畿輔俯晴嶸

轉直隸保定

暫借絲綸手，一銷桴鼓

鳴。賜車仍北向，叱馭正南行。

公按察安徽諸郡

枯骨遙成榻

生肝可辨羹，刑書能與占。肺石自然平，久著四知操。

獨垂千載名，滇黔傳燧火。閩粵忽徵兵，城濮方酣戰。

長平已見坑，深懷在民瘼。豈爲厭承明

時滇黔告變特簡公江蘇

藩半壁金湯固，千家絃管生。蕭曹勞會計，虞芮息紛

爭。轉餉聞鉦鼓，荷戈插羽旌。帆開鵝鸛陣，風闔水犀

營。挾纊分餘暖，投醪厭宿醒。

各路兵餉多取辦吳閫

誘齊非一

客。亡鄧是三甥，士卒皆精銳。湖湘盡震驚，力能誅儼

忽氣可奪櫓槍共訝麒麟闔空憐雉免情普天蒙積
晦此日放新晴南國鳴千騎中朝重四英保釐歸左
轄襟帶寄專城車服垂三異雲旗列上卿花驄行且
止竹馬會來迎鶴澤瞻羊杜麟圖重弇彭伯棠遺芳
在官柳夾溪成似我托宸宇流光過玉衡生涯常泚
沓遇合信艱貞作客羞囊澁依人借筆耕老知歸馬
熟寒覺徹貂輕關驛家千里

長沙與江西比隣

星霜髮幾莖

歌魚猶旅食說尹共田更道困悲麟鳳人窮恃父兄
公行我留滯念此淚縱橫

壽潮陽林武林太守五十韻

鈴閣逢初度海邦起大椿丹書方兆甲紫氣實生申

自識廐中驥應知天上麟文章歸正氣川嶽重奇人

李白詩無敵揚雄草尙真異才誇絕代壯志邁羣倫

一自綰符出忻歌襦袴頻登封陪祀典秬鬯奉明禋

盤輦東馳峻靈旗北燠新揮毫觀日浴促坐俯星陳

至道通霄漢長篇達紫宸

公七古長篇
曾薦御覽

陟明稱上考

佐郡列南閩京闕回龍子

觀畢返閩
卽聞告變

溟黔斷鴈臣烽

臺夜方發漆室嘯何因正樂終歸魯棄繻且出秦戈

船鳴鼓吹甲帳德車驂欲擊中流楫且乘萬里津諸

軍超距石名士識綸巾倚馬袁安賦筮鵬呂尙緡鯨

波何滄漭鱷水尙沈湮美稷人騎竹淮陽鹿夾輪配
年知有姓爲德故多隣道路歸遺錦車輿恕嘔咽任
棠思拔薤賈誼畏燃薪圉盜聽鳴鵲推恩起涸鱗政
惟驅害馬士最惜懸鶉講學思安定明經麗大春賢
祠崇棟宇勝蹟構嶙峋烏篆看碑碣輦飛動鬼神江
山環瑣闥煙火壓城闌開讌啜羊酪聽歌落燕塵周
郎常顧曲西子不辭輦飛鶴翔天際游魚出水濱何
曾卜深夜但恐負良辰亨置鄭莊驛坐傾公瑾醇憐
余羈旅客忝作東南賓浪跡依劉表虛名愧郝詵自
從湖上別祇有夢中親話舊嗟雙鬢立談指一困藏

書開別嶼闢茗臥重茵上下除豪氣往來愛隱淪微
生沾雨露皓首失松筠邱壑慚吾願乾坤托國均龍
頭常嶷嶷麟趾自振振德望有三世家聲冠八荀喜
瞻鸞鳳侶莫笑野狐身海日紅如火湖天白似銀花
能開頃刻酒不厭逡巡明月延清賞華燈綢綵純丹
梯如可上一望浩無垠

六松堂詩集卷八終

六松堂詩集卷九

寧都曾 燦青藜著

五言絕

紀夢

習習朝晞入冥冥夜夢醒可憐風景異不復泣新亭

其二

旣入明王夢空懷故國憂山川遺恨在回首大刀頭

其三

何事鳴長劍中宵夢不寬西風吹萬里灑淚正衣冠

方山子盤谷圖

盤谷仍盤谷先生自幽獨山水有知音天寒風落木
渡澗

流水去遲遲磊石渡小澗風花吹我衣日落寒光綻
種瓜圃

種豆易生種瓜瓜漸熟古之素心人於此志願足
伴顏菴

陶有乞食詩顏有乞米帖世無謝仁祖朝來且彈鋏
題倪雲林山水

亦有山水情亦有雲霞想何如倪處士披圖足幽賞

畫樹畫枯枝畫山畫頑石可知高隱人削盡繁華迹
觀別者

折殘楊柳枝終日送人去不是惜分離傷心在羈旅
柴門

小橋抱流水高柳綠成陰向日柴門閉幽人何處尋
擣衣

月落銀蟾泣秋高蟋蟀鳴西風吹不斷只有擣衣聲
閨思

寶瑟隨明璫春風解綉裳望郎郎不至對枕羨鴛鴦
其二